

Radionica o jačanju regulatorne kontrole nad nekorištenim/potrošenim zatvorenim radioaktivnim izvorima u mediteranskoj regiji

Radionica o jačanju regulatorne kontrole nad nekorištenim/potrošenim zatvorenim radioaktivnim izvorima u mediteranskoj regiji (Workshop on strengthening Cradle-to-Grave Control of Disused Sealed Radioactive Sources in the Mediterranean Region) je održana u periodu od 12. do 16. marta 2012, u sjedištu Međunarodne agencije za atomsku energiju – IAEA, u Beču. Radionica se sastojala od predavanja eksperata iz oblasti upravljanja nekorištenim/potrošenim zatvorenim radioaktivnim izvorima (DSRS), prezentacija učesnika radionice o stanju upravljanja DSRS u državama i rada u grupama s ciljem identificiranja nedostataka postojećeg sistema upravljanja DSRS, kao i potreba u oblasti upravljanja DSRS, u državama prisutnih učesnika radionice.

Između ostalih, teme ekspertskih predavanja su bile: prezentacija programa i ciljeva projekata IAEA i mogućnosti implementacije projekta, pregled pristupa IAEA pripremanju i razvoju sistema upravljanja DSRS, strategije upravljanja DSRS, skladišta i tehničke mogućnosti upravljanja DSRS, prezentacija BOSS koncepta trajnog zbrinjavanja DSRS koji uključuje „borehole disposal“, kao i procjena sigurnosti BOSS koncepta koju je napravila IAEA.

Na radionici je bilo 30 učesnika iz država mediteranske regije, među kojima su bila 2 predstavnika Bosne i Hercegovine od kojih jedan iz Državne regulatorne agencije za radijacijsku i nuklearnu sigurnost.